

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-29-Z/23

Kakanj, 25.05.2023. godine

Z A P I S N I K

**sa 29. redovne sjednice Općinskog vijeća održane 25.05.2023. godine (četvrtak)
u sali Općinskog vijeća sa početkom u 9:00 sati
(sažetak zapisnika)**

Predsjedavajući Općinskog vijeća Slaven Katičić je pozdravio prisutne i otvorio 29. redovnu sjednicu Općinskog vijeća.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Izudin Puščul, Omer Musić, Nerma Aliefendić, Safet Šahman, Mejrema Purišević, Mediha Mamela, Elvir Delibašić, Namir Talić, Adis Mrkonjić, Amar Selimović, Džemal Bećirhodžić, Izudin Hrusto (**naknadno pristupio**) i Aldin Šljivo (**naknadno pristupio**) (**SDA**)

Vinka Aletović, Miroslav Spasojević i Edin Šljivo (**SDP BiH**)

Mirsad Tursum, Zerina Kovač, Fakir Ajdinović i Sabit Čehajić (**S BiH**)

Dževdet Huskić, Marcela Ravlija i Branko Češljčić (**NS**)

Mugdin Gorak i Enver Merdić (**naknadno pristupio**) (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić (**nacionalna manjina**)

Odsutni vijećnici: Ahmed Begić (**SDP BiH**)

Predsjedavajući je konstatovao da je na sjednici u momentu prijave prisutno 26 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Ferdo Mijač, sekretar Općinskog vijeća

Džihad Berbić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurudin Hrusto, pomoćnik općinskog načelnika za civilnu zaštitu

Mukades Delibašić, pomoćnik općinskog načelnika za imovinskoppravne, geodetske poslove i katastar nekretnina

Muhamed Kapo, ispred Zavoda za planiranje i izgradnju općine Kakanj

Mahir Sikira, savjetnik općinskog načelnika

Izviestioci, obrađivači, gosti

Azra Čišija, direktorica JU i Mirsada Čaluk, predsjednica UO JU za predškolski odgoj i obrazovanje „Mladost“ Kakanj

Predstavnici medija

NTV IC Kakanj
Radio Kakanj

Napomene o radu Kolegija Općinskog vijeća

U pripremi 29. redovne sjednice Općinskoga vijeća, Kolegij Općinskog vijeća je 17.05.2023. godine, održao sjednicu na kojoj je razmatrao:

a) Odgovor na Zaključak Kolegija Općinskog vijeća povodom zahtjeva Malak Invest d.o.o. i MZ Brežani i Bištrani

Odgovor je primljen k znanju.

b) Molba FK „Mladost“ Doboj-Kakanj

Kolegij je molbu prosljedio općinskom načelniku na dalje razmatranje i postupanje.

Usvajanje zapisnika sa 28. redovne sjednice Općinskog vijeća

Nije bilo diskusije o zapisniku i isti je usvojen jednoglasno sa 27 glasova ZA.

Komentari na dostavljene odgovore na vijećnička pitanja

Nije bilo komentara na dostavljene odgovore na vijećnička pitanja.

Komentari na dostavljena mišljenja na vijećničke inicijative

Dževdet Huskić: je rekao da je dobio odgovor na podnesenu vijećničku inicijativu u vezi sa zabranom gradnje proizvodnih pogona u neposrednoj blizini stambenih objekata, ali se najveći dio tog odgovora ne odnosi na suštinu podnesene inicijative, te je u tom smislu pozvao službe kojima se upućuju vijećnička pitanja i inicijative da ubuduće pažljivije pročitaju iste kako bi odgovori sadržajno odgovarali postavljenom pitanju ili inicijativi.

Vijećnička pitanja

Armin Bašić: je postavio vijećničko pitanje postoji li mogućnost organizovanog odstrijela divljih svinja čija se populacija povećala i postala prijatna po čovjeka dok je još uvijek moguće spasiti poljoprivredne zasade? Pitanje je postavio iz razloga što je evidentna masovna pojava divljih svinja u naseljenim mjestima, pa čak i prigradskim naseljima, a koje nanose ogromnu štetu mještanima na zasađenim površinama, uništavaju usjeve i poljoprivredne površine, te uz to predstavljaju opasnost za ljude.

Marcela Ravlija: je postavila vijećničko pitanje koliko dugo treba čekati da se riješi problem smeća u zgradi do Policijske stanice Kakanj? Pitanje je postavila u vezi sa prigovorima građana na problem nagomilanog smeća u nedovršenoj zgradi pored Policijske stanice, a koje je higijensko-zdravstveni i sigurnosni problem zbog pojave glodara i okupljanja pasa lotalica.

Fakir Ajdinović: je postavio vijećničko pitanje da li se planira izvođenje radove na rekonstrukciji ceste u ulici 309. brdske brigade u dijelu od zgrade JU „Centar za socijalni rad“ Kakanj do zgrade Pokopnog društva „Zgošća“ Kakanj, obzirom da je ista u katastrofalnom stanju?

Dževdet Huskić: je postavio dva vijećnička pitanja. Prvo je koga i čega se boje općinski načelnik i nadležne službe pa ne smiju reagovati po pitanju očigledne nelegalne gradnje i aktivnosti u gradu? Pitanje je postavio u vezi sa odgovorom na ranije podnesenu vijećničku inicijativu oko zabrane gradnje proizvodnih pogona u neposrednoj blizini stambenih objekata. Drugo pitanje je zašto je važnija sigurnost

uposlenika Općine Kakanj nego djece u ulici Šehida, obzirom da su u posljednjih nekoliko dana na prilazu i pred zgradom Općine postavljeni usporivači brzine, dok je na njegovo ranije traženje za postavljanje istih usporivača u ulici Šehida, u kojoj se nalaze tri škole, JU „KSC“ Kakanj i Gradska biblioteka, odgovoreno da je potrebno izraditi elaborat?

Izudin Pušćul: je postavio vijećničko pitanje ko je i kada dao saglasnost za održavanje press konferencije političkog subjekta „Naša stranka“ Kakanj u prostorijama JU „Gradska biblioteka“ Kakanj, te da li će u narednom periodu postati praksa da politički subjekti svoje press konferencije održavaju u Gradskoj biblioteci? Pitanje je postavio u vezi sa održanom press konferencijom političkog subjekta „Naša stranka“ Kakanj, dana 04.05.2023. godine u prostorijama JU „Gradska biblioteka“ Kakanj, zbog čega u periodu održavanja konferencije prostor čitaonice nije bilo moguće koristiti u svrhe za koje je namijenjen.

Safet Šahman: je postavio vijećničko pitanje kada će doći do realizacije sredstava namijenjenih za sanaciju dijela puta Stari dom – Podborje, napominjući da su sredstva bila planirana u Budžetu za 2021. godinu?

Predsjedavajući je konstatovao da su vijećnici: Adnan Čobo, Branko Češljčić, Sabit Čehajić i Amar Selimović postavili vijećničko pitanje bez korištenja govornice.

Adnan Čobo: je postavio dva vijećnička pitanja. U prvom pitanju traži da mu se dostave podaci o članovima komisija koji su imenovani ispred Općine Kakanj u sve konkursne procedure provedene u 2021. , 2022. i 2023. godini, koje provodi Agencija za državnu službu, na način da se navede konkretan konkurs, a uz to označe imena članova komisije ispred Općine Kakanj, a sve za konkurse za posao u Općini Kakanj. Drugo pitanje je da li se koristi i na koji način video nadzor instaliran u gradu, ko upravlja istim, postoji li odluka ili akt kojim se reguliše način rada istog? Također, pitao je na koji je način Općina uključena u predmetnu temu i koje su ingerencije Općine, ako postoje, te je tražio podatke ko je finansirao predmetni projekat?

Branko Češljčić: je postavio vijećničko pitanje kada će se riješiti problem i radi li se na tome da se popravi slab pritisak vode u domaćinstvima u Kraljevoj Sutjesci?

Sabit Čehajić: je postavio vijećničko pitanje kada će biti završen projekat Regionalne ceste Donji Kakanj – Arnauti – Zenica (nova trasa puta)?

Amar Selimović: je postavio vijećničko pitanje da li se prilikom određivanja mikrolokacija koje se trebaju asfaltirati, iz sredstva dodijeljenim po programima, uzima isključivo mišljenje predsjednika MZ ili se uzima mišljenje savjeta MZ, te da li se uzima zapisnik sa sjednice savjeta MZ ili se sve provode na osnovu usmenog razgovora sa predsjednikom MZ?

Vijećničke inicijative

Dževdet Huskić: je pokrenuo dvije vijećničke inicijative. Prva inicijativa je za hitno saniranje saobraćajnice na Plandištu između pravoslavnog groblja i džamije. Tokom i najmanjih padavina na pomenutom lokalitetu stvara se jezero na saobraćajnici površine dvjestotinjak m² čime je skoro potpuno otežan promet motornim vozilima i pješacima. U pitanju je ulica u naselju Plandište koju najčešće koriste djeca dok idu u školu. Druga inicijativa je za izgradnju parking mjesta na lokaciji iza bivšeg autoparka „Centrotrans“. Jedan od najvažnijih saobraćajnih problema sa kojima se suočavaju građani i građanke u Kakanju, pored neadekvatno riješenog saobraćaja, je problem nedostatka parkinga. Zbog toga je predložio izgradnju više parking mjesta na lokaciji iza bivše Centrotransove garaže, dio parcele ispod pošte k.č.br. 1355/1, jer smatra da se navedeni prostor može iskoristiti za uređenje 20 ili 30 parking mjesta koja bi puno značila stanarima zgrada ispod bivšeg autoparka Centrotransa.

Marcela Ravlija: je pokrenula dvije vijećničke inicijative. Prva se odnosi na sanaciju šahtova na sistemu odvodnje oborinskih voda u Podbjelavićima ispred OŠ „Omer Mušić“. Naime, na dva mjesta u blizini OŠ „Omer Mušić“ Brežani nalaze se šahtovi za odvodnju oborinskih voda koji nisu propisno zaštićeni. Na jednom se nalaze betonske ploče od kojih je jedna slomljena, a nalazi se odmah pored ceste R-466 kojom prolazi veliki broj učenika. Drugi se nalazi prema Bistriku gdje učenici čekaju autobuse ili drugi

prijevoz. Druga inicijativa je za izradu registra izvora pitke vode koji se nalaze na području općine Kakanj, na koji način bi se napravio prvi korak ka izradi budućih elaborata zaštite izvorišta i donošenja odluka od strane nadležnih organa o zaštiti istih.

Fakir Ajdinović: je pokrenuo vijećničku inicijativu za izmjenu i dopunu Odluke o utvrđivanju naknada članovima upravnih i nadzornih odbora javnih ustanova („Službene novine Općine Kakanj“, broj: 1/13, 3/15 i 3/22), u dijelu koji se odnosi na visinu naknade za predsjednike i članove upravnih i nadzornih odbora. Predlaže da se iznos naknade poveća za 50,00 KM u svim javnim ustanovama, kako bi se izbjegla diskriminacija članova organa upravljanja JU u odnosu na JP čiji je osnivač Općina.

Armin Bašić: je pokrenuo vijećničku inicijativu za utvrđivanje faktora i subjekata devastacije regionalne ceste Kraljeva Sutjeska – Ponijeri, a posebno dionice od naseljenog mjesta Nažbilj do Ponijera, kao i uslova održavanja navedene ceste. Traži da se izvrši djelovanje u skladu sa nadležnostima kako bi se poboljšala situacija s održavanjem i unapređenjem navedene ceste koja je u velikoj upotrebi nakon početka radova na iskopavanjima koja provodi kompanija Easter Mining i dr. na području Mehorića.

Safet Šahman: je pokrenuo dvije vijećničke inicijative. Prva inicijativa je da se izvrši priključak na novoizgrađenu vodovodnu mrežu mještana u Varalićima i to stanovništva novog naselja uz rijeku, gdje se nalazi oko 20 domaćinstava. Druga inicijativa se odnosi na postavljanje nadzorne kamere na objektu ambulante Krševac sa posebnom namjenom obezbjeđenja objekta i bacanja i odlaganja smeća u krugu objekta.

Predsjedavajući je konstatovao da su vijećnici: Adnan Čobo, Izudin Puščul, Branko Češljic, Džemal Bećirhodžić, Amar Selimović i Edin Šljivo podnijeli vijećničke inicijative bez korištenja govornice.

Adnan Čobo: je pokrenuo dvije vijećničke inicijative. Prva inicijativa je da se na biciklističkoj stazi uz rijeku Zgošču, na lokaciji kod mosta preko puta zgrade „Boračka“, ispravi pogrešno označen smjer kretanja za bicikliste, a druga je da se na biciklističkoj stazi na dijelu – uz rijeku Zgošču poboljša osvjetljenje i postavi kvalitetan video-nadzor cijelom dužinom iste, te postave oznake o postojanju video-nadzora.

Izudin Puščul: je pokrenuo vijećničku inicijativu za saniranje lijeve i desne strane nasipa oko asfalta u MZ „Željeznička Stanica“ i to od željezničkog prijelaza do raskrsnice za skretanje prema Dumancu i Bičeru. Inicijativu podnosi zbog činjenice da na predmetnoj dionici puta širina asfalta nije dovoljna za mimoilaženje vozila zbog čega se ista moraju sklanjati u lijevu ili desnu stranu silaženjem sa asfalta, što je na nekim dijelovima nemoguće zbog velikog oštećenja i vrlo dubokih rupa.

Mujo Fafulić: je pokrenuo vijećničku inicijativu da se put, koji se proteže od ul. 1. maj i prolazi kroz naseljeno mjesto Bukovlje i Brus, ucrtta i uknjiži, obzirom da isti nije uknjižen ni ucrtan, a prometan je asfaltiran.

Džemal Bećirhodžić: je pokrenuo vijećničku inicijativu za uređenje prostora ispred zgrade ST-1, E (stara distribucija) i M (kod optičke radnje Kobi & Nur). Prostor ispred navedenih zgrada se koristi kao prolaz do zgrade ST-1 i kao parking prostor za stanare navedenih zgrada. U izuzetno lošem je stanju, izlomljen, denivelisan, sa makadamskom podlogom i neuslovan je za korištenje kao parking i pristupni put.

Amar Selimović: je pokrenuo dvije vijećničke inicijative. Prva inicijativa je da se ubuduće prilikom izdavanja saglasnosti na (privremeni) plan gospodarenja na državnim šumama za JP „ŠPD-ZDK“, od strane Općine Kakanj, uslovi ili redukuje isto u dijelu G.J. Dornja Trstionica – Bukovica i to dijelovi šume u blizini vodozaštitnih zona Bukovice. Druga inicijativa je da se postupi po navodima iz odgovora na vijećničku inicijativu broj: 12-23-5576/23 od 22.05.2023. godine, odnosno da se krene u izradu neophodne tehničke dokumentacije i pribave potrebne saglasnosti od JP Autoceste Federacije BiH.

Branko Češljic: je pokrenuo vijećničku inicijativu da se poboljša odvoz smeća iz kontejnera na ulazu u Kraljevu Sutjesku kod „Poljanskog mosta“, jer se često dešava da su kontejneri prepunjeni do sljedećeg odvoza smeća i na samom ulazu u Kraljevu Sutjesku ostavljaju loš utisak zajednice, uzimajući u obzir stalne posjete Kraljevjoj Sutjesci od strane domaćih i stranih turista.

Edin Šljivo: je pokrenuo vijećničku inicijativu za rekonstrukciju mreže video-nadzora, odnosno popravku neispravnih i ugradnju novih kamera na ulazima i izlazima u općinu Kakanj (urbani dio grada). Inicijativu je podnio zbog sve učestalijih krađa, provala i uništavanja privatne i javne imovine, te opće sigurnosti građana općine Kakanj.

Utvrđivanje dnevnog reda

Predsjedavajući je za 29. redovnu sjednicu predložio dnevni red koji je usaglašen na sjednici Kolegija, a kako nije bilo primjedbi na predloženi dnevni red isti je jednoglasno usvojen sa 29 glasova ZA.

Usvojeni dnevni red

1. Prijedlog odluke o izmjenama i dopunama Budžeta Općine Kakanj za 2023. godinu
2. Izvještaj o izvršenju Budžeta Općine Kakanj za period 01.01-31.03.2023. godine
3. Prijedlog odluke o utvrđivanju javnog interesa u svrhu izgradnje lokalne saobraćajnice od Čatića do Haljinića
4. Prijedlog odluke o usvajanju Izvještaja Komisije za provođenje izbora u MZ Željeznička Stanica
5. Prijedlog odluke o potvrđivanju izbora za članove Savjeta MZ Željeznička Stanica
6. Finansijski izvještaj JU za predškolski odgoj i obrazovanje „Mladost“ Kakanj za period 01.01-31.12.2022. godine

1. Prijedlog odluke o izmjenama i dopunama Budžeta Općine Kakanj za 2023. godinu

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

Džihad Berbić: je predložio dodatne izmjene Budžeta koje se ne nalaze u prijedlogu dokumenta koji su vijećnici dobili, a koje se odnose na izdvajanje dodatnih 10 hiljada KM za poziciju „Vansudske nagodbe i troškovi u sudskim predmetima“ obzirom da je prvobitno planirani iznos sredstava od 15 hiljada KM nedovoljan za tu namjenu, dok se istovremeno umanjuje pozicija „Izrada promo materijala o turističkim potencijalima Općine Kakanj“ za isti iznos. Uz to je predložio izmjenu koja se tiče dodavanja nove pozicije „Usluge stručnog obrazovanja za članove OIK-a“ u iznosu od hiljadu KM, koja nije bila planirana obzirom da nije izborna godina, ali je neophodna jer je CIK najavio održavanje edukacije za članove OIK-a, dok se umanjuje pozicija „Uzorkovanje hrane, vode i druge sanitarno-higijenske mjere“ za isti iznos sredstava.

U diskusiji su učestvovali: Dževdet Huskić i Fakir Ajdinović.

Dževdet Huskić: je rekao da ima nejasnoću po pitanju da li se iz Budžeta za 2023. godinu potpuno briše pozicija „Iznos za saniranje deficita“ i zar se nisu mogla izdvojiti određena sredstva za tu namjenu obzirom da općinski Budžet iznosi preko 33 miliona KM.

Fakir Ajdinović: je pitao da li javne ustanove mogu dati svoje prijedloge za rebalansiranje Budžeta koje će biti u narednom periodu.

Džihad Berbić (odgovor): je istakao da je sa 31.12.2022. godine, saniran budžetski deficit iz prethodnih godina, a što je bilo vidljivo iz Izvještaja o izvršenju Budžeta za 2022. godinu, koji je Vijeće usvojilo na prethodnoj sjednici. Sredstva za tu namjenu su bila planirana kada se u novembru pripremao Budžet za 2023. godinu, ali kako je kompletan iznos deficita izmiren do kraja prošle godine, nema potrebe za tu stavku u Budžetu za tekuću godinu. U vezi pitanja vijećnika Ajdinovića rekao je da ovlašteni predlagači mogu u svako doba predložiti izmjenu Budžeta, ali da isti treba sadržavati prijedlog izvora finansiranja ili prijedlog sa koje pozicije eventualno sredstva treba da se umanje. O svim podnesenim prijedlozima odlučuje predlagač (općinski načelnik).

Nakon diskusije Vijeće je Odluku o izmjenama i dopunama Budžeta Općine Kakanj za 2023. godinu, usvojilo jednoglasno sa 27 glasova ZA.

2. Izvještaj o izvršenju Budžeta Općine Kakanj za period 01.01-31.03.2023. godine

Predlagač: općinski načelnik

Obrađivač: Služba za finansije

Izjavitelj: Džihad Berbić, pomoćnik općinskog načelnika

U diskusiji je učestvovala Marcela Ravlija.

Marcela Ravlija: se osvrnula na postotak realizacije kapitalnih izdataka od 0,28% i kazala da se nada da uštede koje su najavljene neće uticati na kapitalne izdatke, pogotovo ako se ima u vidu da je općinski budžet više potrošački nego razvojni, te stoga smatra da ne bi trebalo umanjivati sredstva za tu namjenu.

Džihad Berbić (odgovor): je pojasnio da je PDV redovan prihod budžeta i ne može uticati na namjenska sredstva, što je zakonom propisano. Rekao je da se namjenska sredstva iz prethodne godine (koja nisu utrošena) nalaze na posebnim računima i da ona ne mogu biti utrošena ni u koju drugu svrhu, osim za onu za koju su planirana. U pogledu ocjene budžeta potrošačkim istakao je da je Općina Kakanj u tom pogledu specifična, jer u svom sastavu ima budžetsku organizaciju (Zavod), te tako svi projekti koji se realizuju preko Zavoda, ne vode se knjigovodstveno kao kapitalni izdaci, nego se vode kao transferi Zavodu, a u suštini i ti transferi su kapitalni izdaci.

Nakon diskusije Vijeće je usvojilo Zaključak o prihvatanju Izvještaja o izvršenju Budžeta Općine Kakanj za period 01.01-31.03.2023. godine, sa 21 glasom ZA, bez glasova PROTIV i 8 glasova UZDRŽAN.

3. Prijedlog odluke o utvrđivanju javnog interesa u svrhu izgradnje lokalne saobraćajnice od Čatića do Haljinića

Predlagač: općinski načelnik

Obrađivač: Služba za imovinskopravne, geodetske poslove i katastar nekretnina

Izjavitelj: Mukades Delibašić, pomoćnik općinskog načelnika

U diskusiji nije niko učestvovao i Vijeće je jednoglasno sa 29 glasova ZA usvojilo Odluku o utvrđivanju javnog interesa u svrhu izgradnje lokalne saobraćajnice od Čatića do Haljinića.

Predsjedavajući je predložio da se objedini rasprava po tačkama 4. i 5. dnevnog reda, a da se glasanje obavi pojedinačno.

4. Prijedlog odluke o usvajanju Izvještaja Komisije za provođenje izbora u MZ Željeznička Stanica

5. Prijedlog odluke o potvrđivanju izbora za članove Savjeta MZ Željeznička Stanica

Predlagač: općinski načelnik

Obrađivač: Služba za opću upravu, radne i zajedničke poslove, lokalnu samoupravu i mjesne zajednice

Izjavitelj: Bahrudin Arnaut, pomoćnik općinskog načelnika

U diskusiji nije niko učestvovao i Vijeće je donijelo Odluku o usvajanju Izvještaja Komisije za provođenje izbora u MZ Željeznička Stanica sa 26 glasova ZA, bez glasova PROTIV i 2 glasa UZDRŽAN, a Prijedlog odluke o potvrđivanju izbora za članove Savjeta MZ Željeznička Stanica nije dobio potrebnu većinu sa 11 glasova ZA, bez glasova PROTIV i 14 glasova UZDRŽAN.

6. Finansijski izvještaj JU za predškolski odgoj i obrazovanje „Mladost“ Kakanj za period 01.01-31.12.2022. godine

Predlagač: UO JU za predškolski odgoj i obrazovanje „Mladost“ Kakanj

Obrađivač: UO JU za predškolski odgoj i obrazovanje „Mladost“ Kakanj

Izjavitelj: Azra Čišija, direktorica JU i Mirsada Čaluk, predsjednica UO JU za predškolski odgoj i obrazovanje „Mladost“ Kakanj

U diskusiji je učestvovao Izudin Puščul.

Izudin Puščul: je kazao da će klub SDA podržati predmetni izvještaj i naglasio da je upoznat sa radom, aktivnostima i problematikom u JU „Mladost“. Uz to je rekao da će se u narednom periodu poduzimati koraci na poboljšanju uslova boravka djece u vrtiću i olakšanju uslova rada uposlenika JU.

Nakon diskusije Vijeće je usvojilo Zaključak o prihvatanju Finansijskog izvještaje JU za predškolski odgoj i obrazovanje „Mladost“ Kakanj za period 01.01-31.12.2022. godine, sa 21 glasom ZA, bez glasova PROTIV i 5 glasova UZDRŽAN.

Predsjedavajući je zaključio rad 29. redovne sjednice Općinskog vijeća u 9:55 h.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić